

42avla radunanza generala dil Selvaclub Sagogn vendergis, 28. uost 2015, ustria Sil Platz

Perstgisas: Sepi Cavelti, Fränzi Bruhin, Hans Niederberger, Andri Bundi, Pius Panier, Alois e Steffi Poltéra, Oski Jäger, Claudia Andreoli e Claudio Camathias

Presents: 17 persunas (tenor gliesta)

1. Beinvegni

Il president ad interim, Lucien Stern, fa in cordial benvegni a tuts presents.

El menziuna, che la radunonza ei stada publicada 2 gadas el Fegl Ufficial ed ella Ruinaulta.

2. Elecziun dumbravuschs

Petra Cayelti vegg elegida sco dumbrayuschs.

3. Protocol radunanza generale 2014

Il protocol han ins saviu leger sin nossa pagina dil Selvaclub ed el ei staus a disposiziun da prender enuesta mes'ura avon la radunanza. El vegn buca pli prelegius.

Harald Schöpf fa attent, ch'il protocol dalla 40avla radunanza generala hagien ins bein saviu leger sin la pagina d'internet, quel dalla 41avla denton buca!

Il protocollo venga approvato unanimamente.

4. Rapport annual

a) dil president

En siu rapport resummescha il president la stagion d'unviern 2014/15 sco suonda :

Ei ha dau fetg pauca neiv. La loipa ha saviu vegnir preparada per rodund 3 iamnas.

La tegia nordica era aviarta digl 1 da schaner tochen ils 3 e dils 31 da schaner tochen ils 12 da fevrer 2015. En quei cuort temps eisi curriu ualts bia. Per part havev'e buca pli festa ni era skis da prender si. La fiesta da neiv ha era uonn anflau gronda accoglentscha malgrad la concurrenza a Laax.

L'entschatta schaner havein nus astgau prender encunter bein enqual cumpliment perquei ch'il Selvaclub ha fatg tut il pusseivel da porscher ina loipa.

Egl JO ein era gl'unviern vargau stai biars affons (varga 20). Era la preschientscha allas diversas cuorsas ei stada fetg buna. Che nus havein schi biars affons egl JO ei il meret da nos trenaders fideivels. Els sesproyan adina da porscher in trenament variont e legher, denton

tuttina era pretensius. In cordial engraziament a tuts trenaders per lur grond engaschi a favur dils affons.

Era in cordial engraziel fetg als geniturs per il grond sustegn, al fidau preparader dils skis Sepi, al coach da G+S Enrico, agl anteriuur president dil club, Martin Bundi, per tgirar la homepage, a tut ils gidonters ed als consuprastonts.

Rapport dil cau G + S, Roman Caderas

«La nova sesiun ha entschiet ils 23 d' uost 2014 cun ina grillada giu spel Rein.

Tochen gl'october havein nus trenau mintgamai la sonda avonmiezgi. Nus essan stai cun velo, rollskis, festa ni a cuorer. Ils 23 da settember han entgins priu part al gi da sport dil SST vi Flem. Suenter las vacanzas d'atun havein nus lu entschiet ad isar la halla da gimnastica mintga margis sera, aschia che nus havein trenau 2 gadas ad jamna.

Cun strusch neiv, era si Tavau, havein nus priu part al Björn-Daeqli-Event ils 14 da december. Gl'unviern ei puspei staus pauperets, aschia che nus havein trasora stuiu encuir nua ch'ei hagi forsa ina loipa per trenar. Il fevrer haveinsa lu finalmein giu flottas relaziuns cheu a Sagogn silmeins per in mument.

Biaras cuorsas regiunalas e cantunals han stuiu vegnir annuladas pervia da munconza da neiv. Igl ei da sperar ch'ei detti in tec in meglier unviern la sesiun proxima. Ils da mars 2015 ha la finizun dil EnergiAlpina Cup giu liug a Castrisch.«

Per finir engrazia Roman al coach Enrico, als ulteriurs trenaders, alla suprastanza ed a tuts geniturs ch'ein segidai duront gl'unviern vargau.

5. Rendaquen

Il cassier, René Wellinger, declara il quen annual 2014/15. La facultad dil Selvaclub munta ils 15-8-2015 a frs. 52'055.30.

6. Rapport dils revisurs

Ils revisurs Enrico Arpagaus e Hans Niederberger han constatau che tut las quittanzas ein avon maun e che la contabilitad vegn menada schuber e bein. Enrico engrazia a René per la buna lavur prestada e fa la tscharna. Il quen vegn approbaus unanimamein.

7. Preventiv 2015/16

Per la proxima stagiu ei René optimistics. El quenta cun in gudogn da frs. 2'100.--.

Lucien engrazia a nies premurau cassier René per sia grondiusa lavur.

8. Contribuziuns

La contribuziun annuala pils commembers resta sco tochen ussa sin frs . 40.—.

Ils commembers pagan lu mo frs. 100.—pigl abo dall'entira Svizra , buca commembers frs. 140.--.

9. Credit per baghegiar entuorn il local per la Tegia Nordica nova

Lucien declara cuort sco igl ei vegniu aschi lunsch e che la vischnaunca Sagogn surprendi ils cuosts per ina nova entrada (esch e finiastra) enstagl dalla porta-garascha el local da pumpiers vegl sut la canzlia existenta. Ils commembers dil club segidan e fan tut las lavurs ch'ein pusseivlas en atgna reschia. Per l'entira renovaziun preveda la suprastanza cuosts da ferm frs. 15'000.— aschia ch'ella dumonda in credit da frs. 16'000.— per quei project. Dils presents dat ei entginas dumondas en caussa. La finala vegn votau ed il credit vegn lubius unanimamein.

10. Program da laver 2015/16

Test da skis	02-01-2016
Gi da fuffergnadi cuorsa liunga	03-01-2016
Cuorsa EnergiAlpina Cup a Sagogn	23-01-2016
Fiasta da neiv	14-02-2016

Lucien fa aunc in preavis: Al marcau dil vitg, settember 2016, meina il Selvaclub l' ustria.

11. Orientaziuns e varia

Enrico Arpagaus cala sco coach da G+S. Lucien engrazia ad el per tut la buna laver prestada e surdat in schenghetg ad el. Dils presents survegn Enrico in grond applaus.

Vinavon informescha Lucien sur dil project dad ennevar in tschancun sil plaun per far loipa. El decuors digl unviern vargau han Lucien ed Isidor sclariu quei cun diversas persunas cumpetentas. Il resultat ei che la realisaziun da quell'idea fuss ina bia memia gronda resca per nies club. Kurt manegia ch'ins savessi empruar da far loipa cul töff da neiv che trai ina sblatera pintga sch'ei ha mo pauca neiv. Sco Lucien gi, ei quella varianta aunc buca veginida examinada.

Roman ha decidiu da calar sco trenader. El ei denton prompts da surprender il post da coach dad Enrico. Sco niev trenader entscheiva Linus Weishaupt. Per la planisaziun ed il program da trenament ein Patric e Janic responsabels.

La contribuziun dils affons per G+S munta vinavon frs. 100.--/affon, inclus vestgadira da cuorsa liunga.

Duront gl'unviern 2015/16 eisi previu dad illuminar la loipa mintgamai margis e gievgia, dallas 18.00 – las 21.00. La tualetta ei lu era aviarta duront quei temps.

Per controllar ils bigliets/pass da loipa ei Herbert Pistotnig sedeclarau prompts. Ord il miez dils presents vegn la dumonda tgi che detti la paga a signur Pistotnig, l'uniun da traffic ni il selvaclub. Ils biars ein dil mein che quei seigi la caussa dall'uniun da traffic. Isidor declara che quei seigi aunc buca decidiu definitiv.

Avon che finir surdat Lucien aunc in regal a nies fidau trenader, Roman, che ha maridau questa stad ei vegnius bab dacuort.

Allas 21.15 siara Lucien la radunonza. El engrazia a tutt presents per l' attenziun ed envida da star aunc in mument da cumpignia.

Sagogn ils, 3 da november 2015

L'actuara
Amanda Beeli

